

3. Ode èn Méél

Refrinj: Op de grèns van Limburg èn Braobant
umgééve dör Pieël èn dör moer,
dór li óp 'ne heuvel van grint èn zand
al éwwe vur burger èn boer
't dèùrep wòr ik hél èrg veul urn gééf,
zò laang ik lééf.
Méél, ik haaw zò van òw,
'k woon hier géér in vreugd' èn smart
Méél, ik haaw zò van òw,
rónd de linjebuuëm in 't Gruun Hart

1. Bij de Noordervaart, 't Aaw èn ók bij 't Deurnes kenaal,
wòr óp 'ne zónnige zómmerdag flötj de nachtegaal,
wòr garrepaape vliege övver plómpeblaar,
èn wòr toch zò sjòn kwakt de kwakfórsefómfaar,
bén ik gebórre tusse smeele, törf èn ók wa hééj
as weecht grèùjde ik dør op, wa waar ik tòch zò blééj.
En bén ik in den vrimde hél witj van m'n tusj,
dan dink ik èn m'n Méél èn wil ik géér nor husj.

Refrinj:

2. Sint Wilbert döpte hier al mi watter óp d'n Hòf,
al gauw dørnao ginge de Méélse toen nòr hòmmes èn lòf.
Of 't goe ging of slèècht ze bleeve ieën gehieël,
zò gé 't nou tòch al éwwelangk hier in de Pieël.
De hieëre van Méél die vónge 't dèùrep évvel wa kléénj,
èn de winjtj wèèjde 's winters sjraol èn hél dik zò geméénj,
zij wilde paatere in Brussel of Parisj.
Géf óns tòch mèr di plètske, 't is óns parredisj.

Refrinj:

3. De Méélse taal klinkt aarech, mèr wij vinge ze sjòn.
Begrieppe ge dèsse die butje Méél nie zò goe verstòn ?
Wa huure ge óp de Vrutjerste èn Haagelkrusj ?
dør gé 't dik övver slutje, rutje, utj èn tusj.
Zég gòrrege mee kéjsjeute ? Wa is dè vur praot ?
De jónges die zierrege kievveloeëte in èlke straot,
èn dørskes ók póthinke springend mi de bieën;
énne is èn 't knaptoete héllemòl allieën.

Refrinj:

4. Verstappen, Thijssen, Strijbosch zin naame vur de wit,
in 't Mééls evvel klinke ze anders asse stòn in de gezit:
van Snéjjer Toone Fritske, Goore Pérre Fried,
Tisje Pérre Heinj èn Fóns van Fèrre Piet !
En hérrege al 's gehuurt van Wiesse Toon èn Rinke Nuur ?
En zò sté t'r bij Sjans Driek de géétj vaast èn 't tuur.
Kwakfórse Bètje, Kaarle Katrienke, Jòste Jan,
Pietjes Pérkes Pier, Móppe Piet kéént alleman. Refrinj:

(tekst: H. Crompvoets; muziek: J. Pauli)